

Lex 5: Äten un Drinken

Dat sühst du up de Sieden 12 & 13:

Paul un Emma hebben tausämen inköfft, sei willen för ehre Familien Spaghetti un Salât mâken. Vörher hebben sei de Koek uprüümt. Dor stâhn fiene Blaumen, de hett Paul Emma schenkt. Wat hebben sei nich allens köfft: Brot, Banänen, Melk. Dat passt mihrstendeils gor nich in de Tüt, so väl is dat. Dat wier schwor!



Schnacken œwer dat Bild

So kœnen Frâgen tau dat Bild utseihn:

Wat sühst du up dat Bild?
 Wo sünd Paul un Emma?
 Wat steiht bi denn Hierd?
 Wat steiht up denn Hierd?
 Wat sühst du in dat Schapp?
 Wat mâken Paul un Emma?
 Wat hebben sei inköfft?
 Wat sühst du in de Inkopstasch?
 Wat mâkt Tüffel?


Wat kann ein dorup antwuurden?

Ik seih ...
 Dei stâhn in ...
 Bi denn Hierd steiht ...
 Up denn Hierd ...
 Ik seih Gläas, Tellers ...
 Sei läsen dat Rezept.
 Sei hebben Wöddeln, inköfft.
 Ik seih Druwen, Tomâten ...
 Tüffel steiht/kiekt ...

Mit 'nanner schnacken

Dialog

- Paul: Emma, lät mi mäl mit up denn Zeddel kieken!
- Emma: Klor. Kiek mäl!
- Paul: Mama hett ganz grot för uns schräwen un ok 'n bäten wat upmält, dat wi dat tausåmen läsen köenen.
- Emma: Weitst du, wat wi kåken?
- Paul: Ja, dat gifft hüt 'n bunten Salät mit Radieschen, Wöddeln un Gurken. Un denn måken wi Spaghetti.
- Emma: Un dat Wittbrot?
- Paul: Dat äten wi ümmer mit Tomåten un 'n bäten Öl as Vörspies.
- Emma: Oh, dat is ja as in'n italieensch Restaurang! Wi hebben ok noch Zipollen, Druwen, Banånen un Appelsinen inköfft.
- Paul: Ik glöf, 'n Zipoll bruken wi för de Stipp. Un ut Druwen, Banånen un Appelsinen måken wi 'n Salät tau'n Nådich. Emma, womit fangen wi nu an?
- Emma: Du kannst de Wöddeln schellen un ik wasch de Tomåten un de Radieschen.
- Paul: Mama kümmt denn glieks un helpt uns mit dat Schnieden un de Spaghetti.
- Emma: Fien, ik heff richtig groten Hunger!
- Paul: Un mi gnurrt ok all de Mågen. Lät uns anfangen!



Dau mál wat!

- ◆ Säuk ein, de giern Salát, Bodderbrot, Melk, Pannkauken ... ät.
- ◆ Vertell, wecker bi juuch tauhus kåkt - helpst du ok mit?
- ◆ Mál, wat du an'n leifsten ettst!
- ◆ Vertell, wat för ein Äten gesund is.
- ◆ Måkt ok eis mit de Plattdüütschgrupp 'ne Pizza!

Hier is dat Rezept:

Lütt Pizza

Wi bruken för soeben Stück:

- ◆ 250 g Mehl
- ◆ 125 g Magerquark
- ◆ 1 Tüt mit Backpulver
- ◆ 1 Ei•4 Ätläpel Melk
- ◆ 4 Ätläpel Öl
- ◆ för bábenup, wat jeder so mach: Tomatenmark, Mettwust, Schinken, Tomáten in Stückens orrer Schiewen, Paprika in Stückens, Zipollen (ganz lütt schnäden), Kees, Kräuter, Solt, Päper.



Allens kümmt in 'ne Schöttel un ward düchtig vermengeliert.

Nu is dat ein Quark-Öl-Deich.

Dünn utrullen, denn mit 'n Glas lütte runne Schiewen utstáken, up 'ne Platt mit Backpapier leggen.

Denn bábenup leggen, wat jeder sik utsöcht hett.

Un denn 20 Minuten bi 220 bet 225 Grád backen.

Dat schmeckt allerbest.

Dau mäl wat!

Äten un Drinken

Säuk de Wür' un mäk sei mit dien Stift sichtbar!

G	F	G	I	C	K	D	B	I	H	M	N	J	T	N	Y	M	B	G	W
R	S	L	M	I	T	I	V	Y	B	A	C	K	Å	B	E	N	V	X	E
L	R	Y	R	O	P	V	M	R	W	Y	L	U	U	T	Q	Y	R	S	K
X	X	S	H	U	P	I	F	X	S	C	H	N	I	E	D	E	N	B	Å
H	L	H	D	B	O	U	B	A	N	Å	N	E	N	Y	D	F	F	G	K
D	X	X	B	G	K	U	E	T	V	A	F	E	V	P	G	V	N	R	E
Q	G	D	S	K	Q	L	Ü	T	T	P	E	V	X	V	U	P	B	S	N
U	D	R	H	Q	J	W	H	R	J	T	S	N	D	T	P	M	D	J	T
V	V	T	Z	L	O	O	C	O	Z	D	T	Ö	L	L	E	R	N	M	G
W	D	W	I	T	T	B	R	O	T	R	V	M	N	Z	L	M	B	A	R
J	R	S	J	C	N	O	F	J	D	R	Z	W	P	C	U	E	I	B	X
G	Y	S	U	F	E	D	J	N	R	I	U	S	U	J	L	W	I	J	S
D	J	Z	I	O	P	P	K	M	U	A	P	P	E	L	S	I	N	E	N
J	L	H	Q	Q	P	X	G	P	B	Y	W	Ö	D	D	E	L	I	H	D
I	G	T	O	P	M	E	L	K	E	U	V	G	L	Ä	S	E	N	E	S
A	T	D	L	B	T	U	D	O	N	S	U	R	W	X	L	R	S	L	E
E	Q	N	E	N	K	G	A	L	P	A	N	N	K	A	U	K	E	N	F
X	X	D	Y	J	F	R	P	B	K	I	E	K	E	N	T	Z	V	T	H
M	X	E	T	Q	H	O	P	R	K	Z	J	H	X	N	Q	H	K	J	F
W	N	Q	R	M	L	T	S	C	R	D	F	Y	F	J	K	C	I	R	R

1 Banänen _____

2 Melk _____

3 kieken _____

4 kaken _____

5 läsen _____

6 Wittbrot _____

7 Druben _____

8 schnieden _____

9 Pannkauken _____

10 lütt _____

11 grot _____

12 Appelsinen _____

13 Backåben _____


14 Töller _____

15 Wöddel _____


Dau mål wat!

Gauden Appetit! Läs genau. Tell un mål!

Ein Appel is grün.
 Drei Äppels hebben ein brunet Blatt.
 De lüttsten Äppels sünd rot.
 De gröttste Appel is gäl.




De Salät is düüstergrün.
 De Gurken sünd ok grün.
 Dat Brötchen is hellbrun.
 De Kees is gäl.
 Dat Fleisch is düüsterbrun.
 De Bäker is bläch.
 Wat sallen de Bläsen för 'ne
 Farf hebben?



Du wist 'n Salät måken un dat sall dor rin:

- * drei rode Tomäten
 - * ein orangesche Paprika
 - * Peiterzill
 - * gäler Kees
 - * zwei Eier
 - * grüne Bläder
- De drei Zipollen sünd rot.



Fardig?

Kiek di allens noch eis nipp un nau an un vergliek dat mit dienen Partner.
 Wenn du allens richtig hest, kannst du dat Hart utmålen.